



Broj: 03-36-1445/23  
Vogošća, 24.08.2023. godine

Na osnovu člana 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14 i 59/22) i čl. 71. i 125. Statuta Općine Vogošća ("Službene novine Kantona Sarajevo" broj: 27/14, 14/15 i 9/20), Općinski načelnik dana 24.08.2023. godine donio je

**ODLUKU  
O PONIŠTENJU OTVORENOG POSTUPKA NABAVKE USLUGE IZRADE IDEJNOG I  
IZVEDBENOG PROJEKTA DJEČIJEG IGRALIŠTA U DONJOJ JOŠANICI NA PARCELI  
K.Č.2574/2 K.O. VOGOŠĆA**

**Član 1.**

Poništava se Otvoreni postupak nabavke usluge izrade Idejnog i Izvedbenog projekta dječijeg igrališta u Donjoj Jošanici na parceli k.č. 2574/2 K.O. Vogošća broj: 03-36-1445/23, jer nijedna od primljenih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14 i 59/22).

**Član 2.**

Odluka o poništenju postupka nabavke će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

**OBRAZLOŽENJE**

Općinski načelnik je dana 24.07.2023. godine donio Odluku o pokretanju Otvorenog postupka nabavke usluge izrade Idejnog i Izvedbenog projekta dječijeg igrališta u Donjoj Jošanici na parceli k.č. 2574/2 K.O. Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 24.07.2023. godine pod brojem: 1353-1-2-158-3-141/23.

Sažetak Obavještenja o nabavci objavljen je u "Službenom glasniku BiH" broj: 52/23 od 28.07.2023. godine.

Tendersku dokumentaciju sa Portala javnih nabavki BiH je preuzelo 18 (osamnaest) ponuđača. Krajnji rok za dostavu ponuda bio je 21.08.2023. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 21.08.2023. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-36-1445/23 iz jula 2023. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"RMK engineering" d.o.o. Sarajevo	3.500,00	/	/	4.095,00
2	"FM inženjering" d.o.o. Sarajevo	4.444,00	/	/	5.199,48

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "RMK engineering" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.1.2.TD je zahtjevano da ponuđači u svrhu ispunjavanja uslova iz tačke 7.1.1. TD trebaju dostaviti Izjavu ovjerenu kod nadležnog organa (organ uprave ili notar), da se na njih ne odnose slučajevi definisani tačkom 7.1.1. od a) do e) TD. Izjava se dostavlja u formi utvrđenoj Aneksom 6 tenderske dokumentacije.

Ponuđač "RMK engineering" d.o.o. Sarajevo u svojoj Ponudi (originalu ponude) nije dostavio zahtjevanu i propisanu Izjavu-Aneks 6 TD, iako je ista navedena u Sadržaju ponude na strani 4 u Ponudi ponuđača "RMK engineering" d.o.o. Sarajevo.

- Tačkom 7.6.1.TD je propisano da je ponuđač uz ponudu dužan dostaviti i posebnu pismenu Izjavu ovjerenu kod nadležnog organa (organ uprave ili notar), da nije nudio mito niti učestvovao u bilo kakvim radnjama čiji je cilj korupcija u javnoj nabavci. Izjava je prilog TD-Aneks 7.

Ponuđač "RMK engineering" d.o.o. Sarajevo u svojoj Ponudi (originalu ponude) nije dostavio zahtjevanu i propisanu Izjavu-Aneks 7 TD, iako je ista navedena u Sadržaju ponude na strani 4 u Ponudi ponuđača "RMK engineering" d.o.o. Sarajevo.

Detaljnim uvidom u kopiju dostavljene Ponude ponuđača "RMK engineering" d.o.o. Sarajevo Komisija za javne nabavke je utvrdila da je ponuđač greškom gore pomenute Izjave dva puta dostavio uz kopiju ponude, što je direktno utjecalo na formalno-pravnu ispranost originala ponude.

- Tačkom 8.1.9.TD je propisano da se sve stranice ponude označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki sljedeći dio počinje rednim brojem kojim se nastavlja redni broj stranice kojim završava prethodni dio. Ako sadrži štampanu literaturu, brošure, kataloge koji imaju izvorno numerisane brojeve, onda se ti dijelovi ponude ne numerišu dodatno. Ukoliko ponuda ne bude čvrsto uvezana i numerisana na gore navedeni način, ista će se smatrati neprihvatljivom i bit će odbačena iz daljeg postupka nabavke.

Ponuđač "RMK engineering" d.o.o. Sarajevo je u svojoj Ponudi (originalu ponude) izgubio kontinuitet numerisanja stranica na način da nakon stranice 12. u Ponudi dolaze stranice broj 15., 16., 17. itd.

Komisija za javne nabavke je smatrala da stranice u Ponudi ponuđača "RMK engineering" d.o.o. Sarajevo na ovaj način nisu ispravno numerisane, jer nije zadržan kontinuitet numerisanja, te je na ovaj način Ponuđač odstupio od jasno propisanog zahtjeva ugovornog organa iz TD, kao i relevantnih odredbi člana 8. stav 7. i 8. Uputstva za pripremu modela tenderske dokumentacije i ponuda kao podzakonskog akta.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14 i 59/22) predmetna ponuda je formalno-pravno neispravna i kao takva nije prihvatljiva za ugovorni organ.

Ponuda ponuđača "FM inženjering" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod a) TD je zahtjevano uspješno iskustvo u realizaciji najmanje 1 (jednog) ili više ugovora u posljednje 3 (tri) godine, računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine, koji se odnosio/li pružanje usluge izrade idejnih i/ili izvedbenih projekata dječijih igrališta u vrijednosti od minimalno 5.000,00 KM bez PDV-a ili više pojedinačnih potvrda u vrijednosti od 5.000,00 KM bez PDV-a. U potvrdi/ma mora biti jasno iskazano da se uspješno realizovani ugovor/i odnosio/li pružanje usluge izrade idejnih i/ili izvedbenih projekata dječijih igrališta u vrijednosti od minimalno 5.000,00 KM bez PDV-a ili više pojedinačnih potvrda u vrijednosti od 5.000,00 KM bez PDV-a, u posljednje 3 (tri) godine, računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine, u protivnom ugovorni organ potvrde neće prihvatiti i ponuda će se odbaciti kao nepravilna.

Ponuđač "FM inženjering" d.o.o. Sarajevo je u svojoj Ponudi (strana 25-28 Ponude) dostavio Potvrde o uredno izvršenim ugovorima i to: Potvrdu broj: 03-19-4157/23 od 03.07.2023. godine izdata od Općine Centar Sarajevo, Potvrdu broj: 03-19-4083/23 od 03.07.2023. godine izdatu od Općine Centar Sarajevo i Potvrdu broj: 04/21 od 14.04.2021. godine izdatu od "AMG" d.o.o. Visoko, za koje je Komisija za javne nabavke smatrala da ne odgovaraju postavljenim uslovima iz TD.

Naime, usluge koje su navedene u dostavljenim Potvrdama se odnose na izradu Glavnih projekata, dok je TD jasno i nedvosmisleno propisano da se ugovori moraju odnositi na pružanje usluge izrade idejnih i/ili izvedbenih projekata dječijih igrališta, zbog čega je Komisija za javne nabavke mišljenja da ugovori navedeni u predmetnim Potvrdama nemaju karakter i kompleksnost koji je isti ili sličan onom koji se odnosi na predmetnu nabavku.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14 i 59/22) predmetna ponuda je formalno-pravno neispravna i kao takva nije prihvatljiva za ugovorni organ.


Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju otvorenog postupka nabavke usluge izrade Idejnog i Izvedbenog projekta dječijeg igrališta u Donjoj Jošanici na parceli k.č. 2574/2 K.O. Vogošća, iz razloga jer nijedna od primljenih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14 i 59/22).

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo





OPĆINSKI NAČELNIK

  
Migdad Hasanović

Dostavljeno:

1. "RMK engineering" d.o.o. Sarajevo
2. "FM inženjering" d.o.o. Sarajevo
3. Nadležnoj Službi
4. U dosije
5. a/a

info@rmk.ba  
fminzenjering@gmail.com